



CPV-45300000

ქ. თბილისის ჩუღურეთის რაიონის ტერიტორიაზე ქუჩების დამაკავშირებელი
არსებული კიბეების აღდგენისა და უსაფრთხოების მოაწირების მოწყობის
სამუშაოების სახელმწიფო შესყიდვის გამართივებული ელექტრონული
ტენდერი

სატენდერო დოკუმენტაცია

ქ. თბილისი

სარჩევი

1. ინფორმაცია ტენდერში მონაწილეთათვის.....
2. ტექნიკური დოკუმენტაცია.....
3. დამატებითი ინფორმაცია.....
4. დანართი N1
5. დანართი N2
6. დანართი N3

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში – ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, ისინი წარმოდგენილი უნდა იყოს ორიგინალის სახით და მათ უნდა დაერთოს ორიგინალის ნოტარიულად დამოწმებული ქართული თარგმანი (ასლის შემთხვევაში – აპოსტილით დამოწმებული ასლის ნოტარიულად დამოწმებული ქართული თარგმანი).

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2.1 ანგარიშსწორების პირობები:

2.1.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.1.2. ანგარიშსწორების ფორმა – უნაღდო;

2.1.3. ანგარიშსწორება მოხდება ეტაპობრივად, მხარეთა შორის მიღება-ჩაბარების აქტის გაფორმებიდან 20 (ოცი) საბანკო დღის განმავლობაში.

2.1.4 ანგარიშსწორების განხორციელებისათვის მიმწოდებელმა უნდა წარმოადგინოს შესრულების დამადასტურებელი აქტი, რომელიც დადასტურებული უნდა იყოს შემსყიდველის უფლებამოსილი პირის მიერ.

2.1.5. საავანსო ანგარიშსწორება არ გამოიყენება.

2.2. შესყიდვის ობიექტის ტექნიკური პარამეტრები:

2.2.1 შესყიდვის ობიექტს წარმოადგენს:

ქ. თბილისის ჩუღურეთის რაიონის ტერიტორიაზე ქუჩების დამაკავშირებელი არსებული კიბეების აღდგენის და უსაფრთხოების მოაჯირების მოწყობის სამუშაოები.

სამუშაოების ჩასატერებელია შემდეგ მისამართებზე:

ართვინის ქ. №2, ხუდადოვის ქ. №173, ტოვსტონოგოვის ქ. №9, ტოლსტოის ქ. №11/2, მარჯანიშვილის ქ. №56, ახალციხის ქ. №21, მამარდაშვილის ქ. №50, ართვინის ქ. №23, დავითაშვილის ქ. №6, ლაილაშის ქ. №2, ართვინის ქ. №29, მიჩურიძის ქ. ერისთავის ქ. ბოლოში.

2.2.2. ზემოაღნიშნულ მისამართებზე გამარჯვებულ პრეტენდენტს ეტაპობრივად გადაეცემა შესასრულებელი

სამუშაოების დეფექტური აქტები გამგეობის ინფრასტრუქტურის განვითარების განყოფილების მიერ მიწოდების სავალდებულო ვადების მითითებით.

2.2.3. სამუშაოების განფასება განხორციელდება დანართი №2-ით წარმოდგენილი ხარჯთაღრიცხვით განსაზღვრულ სამუშაოთა სახეობებზე დაფიქსირებული ერთეული ფასების მიხედვით.

2.2.4. პრეტენდენტს უნდა გააჩნდეს საშუალება ერთდროულად აწარმოოს სამუშაოები მინიმუმ ორ მისამართზე

2.2.5. ტენდერში მონაწილე პრეტენდენტს 2012 წლის 01 იანვრიდან უნდა გააჩნდეს განხორციელებული ჯამურად მინიმუმ 32 000 ლარის ანალოგიური სამუშაოების გამოცდილება. შემსყიდველის მოთხოვნის შემთხვევაში წარმოდგენილი უნდა იქნას ხელშეკრულებების და მიღება ჩაბარების აქტების ასლები;

2.3 მიწოდების ვადები და პირობები:

2.3.1. შესყიდვის ობიექტის მიწოდება ეტაპობრივად, ხელშეკრულების გაფორმებიდან 90 (ოთხმოცდაათი) კალენდარული დღე.

2.3.2. შესრულებული სამუშაოების საგარანტიო ვადაა მინიმუმ 3 (სამი) წელი;

2.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) რეკვიზიტები, დანართი №1-ის მიხედვით.

ბ) სამუშაოს ხარჯთაღრიცხვა დანართი №2-ის მიხედვით

გ) ინფორმაცია ანალოგიური სამუშაოს შესახებ დანართი №3-ის მიხედვით.

შენიშვნა:

1. პრეტენდენტის მიერ ელექტრონულ სისტემაში ატვირთული სატენდერო დოკუმენტაცია უნდა იყოს ბეჭდით დამოწმებული და ხელმოწერილი უფლებამოსილი პირის მიერ.
2. პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.

ხელშეკრულება სახელმწიფო შესყიდვის შესახებ № (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. თბილისი

– ----- 2015 წელი

ერთის მხრივ ქ. თბილისის ჩუღურეთის რაიონის გამგეობა, მდებარე: ქ. თბილისი, დავით აღმაშენებლის გამზირი №65 (შემდგომში „შემსყიდველი“), რაიონის გამგებლის – ზურაბ ჩიკვილას სახით და მეორეს მხრივ „-----“, ს/კ -----, მდებარე: ქ. თბილისი, ----- (შემდგომში „მიმწოდებელი“), ხელმძღვანელის – ----- სახით, ვხელმძღვანელობთ რა საქართველოში მოქმედი კანონმდებლობით, გამგეობის მიერ ჩატარებული გამარტივებული ელექტრონული ტენდერის საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1. შესყიდვის ობიექტია:

ქ. თბილისის ჩუღურეთის რაიონის ტერიტორიაზე არსებული ქუჩების დამაკავშირებელი კიბეების და უსაფრთხოების მოაჯირების მოწყობის სამუშაოები.

მისამართები:

ართვინის ქ. №2, ხუდადოვის ქ. №173, ტოვსტონოგოვის ქ. №9, ტოლსტოის ქ. №11/2, მარჯანიშვილის ქ. №56, ახალციხის ქ. №21, მამარდაშვილის ქ. №50, ართვინის ქ. №23, დავითაშვილის ქ. №6, ლაილაშის ქ. №2, ართვინის ქ. №29, მიჩურინის ქ. ერისთავის ქ. ბოლოში.

1.3. შესყიდვის ობიექტის ერთეულის ფასები მოცემულია ხელშეკრულების დანართში.

2. ხელშეკრულების ჯამური ღირებულება

2.1. ხელშეკრულების ჯამური ღირებულება შეადგენს --- ლარს.

2.2 ხელშეკრულების ჯამური ღირებულება უნდა მოიცავდეს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

3. შესყიდვის ობიექტის მიწოდების ვადები, ადგილი და პირობები

3.1. შესყიდვის ობიექტის მიწოდება ვადაა ეტაპობრივად, ხელშეკრულების გაფორმებიდან 90 (ოთხმოცდაათი) კალენდარული დღე.

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს ხელშეკრულებით გათვალისწინებული ვალდებულებების სრულ და ჯეროვან შესრულებამდე. 2015 წლის 31 აგვისტომდე.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.
- 5.2. მიღება-ჩაბარების აქტის გაფორმების საფუძველს წარმოადგენს ინსპექტირების ჯგუფის მშენებლობაზე ზედამხედველობისა და „მიმწოდებლის“ მიერ წარმოდგენილი ანგარიშები.
- 5.3. მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისათვის საჭირო ყველა სხვა დოკუმენტი.

6. ხელშეკრულების ობიექტის ხარისხი და გარანტია

- 6.1. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.
- 6.2. „შემსყიდველი“ ვალდებულია წერილობითი ფორმით დაუყოვნებლივ აცნობოს „მიმწოდებელს“ ნაკლის აღმოჩენის შესახებ.
- 6.3. სამუშაოს დასრულების შემდეგ 3(სამი) წლის განმავლობაში რაიმე წუნი (ნაკლოვანებები, დეფექტები) აღმოჩენის შემთხვევაში, თუ დადგინდა, რომ აღნიშნული წუნი (ნაკლოვანებები, დეფექტები) გამოწვეულია „მიმწოდებლის“ მიზეზით, „მიმწოდებელი“ ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.
- 6.4. თუ „მიმწოდებელი“ ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

7. ანგარიშსწორების ფორმა, გრაფიკი (ვადები) და ადგილი

- 7.1. „მიმწოდებელთან“ ანგარიშსწორება განხორციელდება ღარში;
- 7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;
- 7.3. წინასწარი ანგარიშსწორება გათვალისწინებული არ არის.
- 7.4. ანგარიშსწორება „შემსყიდველის“ მიერ მოხდება ეტაპობრივად, შესყიდვის ობიექტის მიწოდებისა და წინამდებარე ხელშეკრულების 5.2. მუხლში მითითებული დოკუმენტაციის წარმოდგენის შემდეგ არაუმეტეს 20 (ოცი) საბანკო დღის ვადაში.
- 7.5. იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.
- 7.6. ანაზღაურების ადგილია ქალაქი თბილისი.

8. მხარეთა უფლება-მოვალეობანი

- 8.1. „შემსყიდველს“ უფლება აქვს:
- შეამოწმოს მიწოდებული სამუშაოს შესაბამისობა ხელშეკრულებით გათვალისწინებულ პირობებთან.
 - განახორციელოს კონტროლი და ზედამხედველობა მიმწოდებლის მიერ ხელშეკრულების პრობების დაცვაზე.
 - უარი თქვას უხარისხო სამუშაოს მიღებაზე.
- 8.2. „შემსყიდველი“ ვალდებულია:
- წერილობით აცნობოს „მიმწოდებელს“ სამუშაოს მიწოდებასთან დაკავშირებული ყველა განსაკუთრებული გარემოების შესახებ.
 - მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
 - დაიცვას ხელშეკრულების სხვა პირობები.
- 8.3. „მიმწოდებელს“ უფლება აქვს:
- მოსთხოვოს „შემსყიდველს“ მიწოდებული სამუშაოს ღირებულების ანაზღაურება ხელშეკრულებით გათვალისწინებული პირობებით.
- 8.4. „მიმწოდებელი“ ვალდებულია:
- გააფრთხილოს „შემსყიდველი“ სამუშაოს მიწოდების პროცესში შეფერხების შესახებ.
 - დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

9.2 მიმწოდებელი ვალდებულია სამუშაოები დაიწყოს წერილობითი დავალების ჩაბარებიდან არაუგვიანეს 5(ხუთი) კალენდარულ დღეში, წინააღმდეგ შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე შემსყიდველის მიერ გადაცემული კონკრეტული სამუშაოების მთლიანი ღირებულების 0.2%-ის ოდენობით, ხოლო წერილობითი დავალების ჩაბარებიდან სამუშაოების დაწყების 7 (შვიდი) კალენდარულ დღეზე მეტი ვადით გადაცილების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

9.3 შემსყიდველის მიერ გადაცემულ კონკრეტულ ობიექტზე სამუშაოების დასრულების საბოლოო ვადის დარღვევის შემთხვევაში მიმწოდებელს დაეკისროს პირგასამტეხლო ყოველ ვადაგადაცილებულ დღეზე კონკრეტული ობიექტის სამუშაოების მთლიანი ღირებულების 0,2%-ის ოდენობით, ხოლო სამუშაოების დასრულების 10 (ათი) კალენდარულ დღეზე მეტი ვადით გადაცილების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

9.4 მიმწოდებლის მიერ წინარე ხელშეკრულებით გათვალისწინებული ვალდებულებების ორჯერ დარღვევის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

9.5 ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების საერთო ღირებულების 5%-ის ოდენობით;

9.6 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

9.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

10. ხელშეკრულების პირობების გადასინჯვის შესაძლებლობა

10.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.4. წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10.6. ხელშეკრულებაში პირობების ცვლილება ფორმდება დანართის სახით და წარმოდგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს

გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.6 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

12. ფორს-მაჟორი

12.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

13. დავები და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

14.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2. ხელშეკრულების ინსპექტირებას შემსყიდველის მხრიდან განახორციელებს

გამგეობის ინფრასტრუქტურის განვითარების განყოფილება

14.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან

დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

15.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

ქ. თბილისის ჩუღურეთის

რაიონის გამგეობა ს/კოდი: 202467320

მის: დავით აღმაშენებლის გამზირი №65

სს „ლიბერთი ბანკი“ ცენტრ. ფილიალი

ა/ა № GE95LB0125152101627000

ბანკის კოდი LBRTGE22

„მიმწოდებელი“

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში.

ქ. თბილისი, ჩუღურეთის რაიონის გამგეობა, დავით აღმაშენებლის გამზირი №65

– კობა ცინცაძე 599 18 21 81

ტექნიკურ საკითხებთან დაკავშირებით საკონტაქტო პირი—თემურ ბუზიაშვილი 595 73 07 03

დანართი №1

1. რეკვიზიტები:

პრეტენდენტის იურიდიული ფორმა და დასახელება:
ხელმძღვანელის სახელი და გვარი:
პრეტენდენტის იურიდიული ან/და ფაქტიური მისამართი:
საიდენტიფიკაციო კოდი:
პრეტენდენტის ტელეფონის ნომერი:
ელექტრონული მისამართი:
ბანკის კოდი:
ანგარიშსწორების ანგარიში:

ქ. თბილისის ჩუღურეთის რაიონის ტერიტორიაზე ქუჩების დამაკავშირებელი არსებული კიბეების და უსაფრთხოების მოაჯირების მოწყობის სამუშაოების ხარჯთაღრიცხვა

#	სამუშაოების დასახელება	განზომილება	რაოდენობა	ერთეულის ფასი	ჯამი
1	2	3	4	5	6
1	დაზიანებული ბეტონის ელემენტების დემონტაჟი	მ3	20,0		
2	III კატეგორიის გრუნტის დამუშავება ხელით	მ3	20,0		
3	საფუძვლის მოწყობა ღორღოვანი მასალით ფრაქციით (10-20მმ)	მ3	20,0		
4	მონოლითური რკინაბეტონის კიბის საფუძვლის და მოედნების მოწყობა ბეტონით, B-20; F-100; w-6.	მ3	20,0		
5	კიბის საფეხურების მოწყობა ბეტონით, B-20; F-100; w-6.	მ3	15,0		
6	მოზაიკური კიბის საფეხურების მოწყობა 150X300X100მმ	ც	24,0		
7	კედლის მოწყობა ბეტონით, B-20; F-100; w-6.	მ3	30,0		
8	არმატურა A-III	ტნ	1,5		
9	კიბის საფეხურების საყრდენების მოწყობა შველერებით 140 მმ	გრძ.მ	8,0		
10	ფეხით სავალი ადგილების (მცირე ზომის ეზოები, ქუჩების დამაკავშირებელ კიბეებთან მისასვლელი) მოწყობა ბეტონით, B-20; F-100; w-6.	მ3	30,0		
11	ორმოების ამოღება მილკვადრატების (ან შველერების) დასაბეტონებლად	მ3	2,0		
12	მილკვადრატების (ან შველერების) დაბეტონება	მ3	2,0		
13	მოაჯირის მოწყობა ლითონის კვადრატული მილებით (60X40X3)	გრძ.მ	300,0		
14	მოაჯირის მოწყობა ლითონის კვადრატული მილებით (40X20X2)	გრძ.მ	300,0		
15	მოაჯირის მოწყობა ლითონის მილებით (32X2,5)	გრძ.მ	200,0		
16	მოაჯირის მოწყობა ლითონის მილებით (40X2,5)	გრძ.მ	200,0		
17	მოაჯირების შეღებვა ზეთოვანი საღებავით	მ2	96,0		
18	სამშენებლო ნარჩენების გატანა	მ3	50,4		
	ჯამი				
	ზედნადები ხარჯი				
	ჯამი				
	გეგმიური დაგროვება				
	ჯამი				
	გაუთვალისწინებელი ხარჯები *	3%			
	ჯამი				
	დღგ				
	მთლიანი ჯამი				

შენიშვნა:

- ა) *აღნიშნული თანხის გამოყენება მოხდება მხოლოდ “შემსყიდველის” ნებართვის, მისივე ინიციატივით და/ან “მიმწოდებლის” მიერ დასაბუთებული და არგუმენტირებული წინადადების განხილვისა და შეთანხმების საფუძველზე “შემსყიდველის” გადაწყვეტილების მიღების შემდეგ.
- ბ) სამუშაოების მოცულობები და რაოდენობები არის საგარეო. ხელშეკრულების მოქმედების პერიოდში სამუშაოთა შემადგენლობების და მოცულობების შეცვლა დასაშვებია მხოლოდ მხარეთა შეთანხმების შემდეგ. სატენდერო დოკუმენტაციით განსაზღვრულ მისამართებზე სამუშაოების დასრულების შედეგად მიღებული ეკონომიის ფარგლებში მხარეთა შეთანხმებით სახელშეკრულებო ღირებულების ფარგლებში და ხელშეკრულებით განსაზღვრულ მიწოდების ვადაში შესაძლებელია სამუშაოები განხორციელდეს დამატებით მისამართებზე.
- გ) მისამართებზე მოსაწყობი კიბის მოაჯირების სანიმუშო ესკიზები თან ერთვის (სანიმუშო ესკიზი 1,2,3)
- დ) ხარჯთაღრიცხვის შედგენისას იხელმძღვანელეთ საქართველოს მთავრობის 2014 წლის 14 იანვრის 55 დადგენილების (ტექნიკურ რეგლამენტის-“სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის” დამტკიცების შესახებ) შესაბამისად.

(ნიმუში)

ინფორმაცია

2012 წლის 01 იანვრიდან განხორციელებული ანალოგიური სამუშაოების მიწოდების შესახებ

პრეტენდენტი _____

№	შესრულებული სამუშაოს დასახელება	შემსყიდველის დასახელება	სახელშეკრულებო ღირებულება (ლარი)	შაქტიური შესრულება (ლარი)	პერიოდი
1	2	3	4	5	6

მონაწილე პრეტენდენტის
(ფიზიკური ან იურიდიული პირი)
ხელმძღვანელის ხელმოწერა

ბ.ა

